

L'ARRIVEE DE L'ARMEE D V R O Y,

Deuant la ville de Montauban, avec
trente mille hommes.

*Et les furieux escarmouches faictes entre
Monsieur le Duc de Mayenne,
& les assiegez.
Du 19 d'oust 1621*



A P A R I S
Chez ABRAHAM S.
M. D C. XXI
Avec Pern

duplice
ut est

S.



L'ARRIVEE-DV ROY,

*deuant la Ville de Montauban,
avec trente mille
hommes.*



E fut vne gran-
de & raisonna-
ble terreur pour
les villes & pla-

ces circonuoisines d'Al-
biac d'auoir veu vne si iu-
ste punition faicte de la
plus detestable perfidie
qui se soit iamais ouye;

aussi pour l'apprehension
de la iuste poursuite des
armes de sa Majesté, les
villes de Negrepelisse,
Caussade, & autres des
enuirons de Montauban,
se sont sagement renduës
& sans aucune contrarie-
té à l'obeyssance de sadite
Majesté, ouurent les por-
tes à toutes ses troupes,
les logent, les hebergent,
& le Roy ne permet pas
qu'il leur soit faict aucun
tort, ny qu'ils prennent
aucune chose de leurs ho-

stes fans payer : comme
aussi pour celles qui se ré-
dent à son obeyssance, sa
Majesté n'entéd pas rien
alterer de leurs libertez,
voulant maintenir ses E-
dicts, & punir seulement
les rebellions de ses sujets.
Il ny a donc tantost plus
que Montauban, qui a
maintenant le bouquet
sur l'oreille, & se resoult
de tenir contre les armes
du Roy.

Faut remarquer auant
toutes choses, que ceux

de ladite ville de Montauban auoyent vn Capitaine de guerre, appellé le sieur de Veilles, bon soldat, homme de grande conduicte & courageux, cestuy-cy vouloit commander aux gens de guerre, comme il est de son mestier, & le peuple aussi, luy qui n'auoit pas accoustumé d'estre commandé d'une populace, & ceste populace qui ne scait que c'est d'obeir à vn chef dans leur ville,

les à quittez, s'est rendu volontairement au Roy, & a esté trouuer monsieur le Duc de Mayenne, pour estre employé au seruice de sa Majesté.

Le peuple de Montauban ayant perdu ce Capitaine, ont mis vn Bernois en son lieu, avec lequel ils ont resolu de soutenir le Siege, asseurez qu'ils sont de sept mille hommes de combat, qui sont enfermez avec eux, & de vingt bons canons.

Mais la diuision qui est forte entre les habitans, causera la perte d'icelle place, & croyent les plus sages, que par force ou autrement, la fin du mois de Septembre prochain, ayant Dieu, verra la fin de ce Siege, qui sera veritablemēt fort & furieux, car la résistance y sera opiniastre, mais aussi seront-ils assaillis asprement, & de grande furie.

Le Roy voyant leur opiniastreté, s'est finalement

ment resolu de faire à bon
 escient inuestir & assie-
 ger la ville, s'est saisi des
 passages les plus impor-
 tans, tant de la riuere que
 autres endroicts, où ils
 pourroient attendre, &
 esperer quelque sorte de
 secours & assistance.

Le dix-neufiesme iour
 du present mois d'Aoust,
 sa Majesté qui estoit à
 Moussac, s'en estant par-
 tie, est arriué à Quicot
 qui est enuiron trois
 quarts de lieuës proche

dudit Montauban , & a
faict commandement
d'affieger la place , ayant
pour ce faire vne armée
de plus de trente mille
combattans , tant de l'ar-
mée qui le suit , que de
celle de monsieur le Duc
de Mayenne, & du secours
de Thoulouse , braues,
vaillans, courageux, & re-
solus de mourir ou d'em-
porter la place.

De Thoulouse sont sor-
tis quinze pieces de canõ,
avec des poudres & mu-

ditions pour tirer huiet
mille coups , y en restans
encores trois fois autant
dans l'Arsenal de la Ville
pour le seruice de sa Maje-
sté. De sorte que la place
doit estre battuë de qua-
rante pieces de canon ,
nombre suffisant pour de-
manteler ceste ville rebel-
le, & pulueriser tous les
edifices d'icelle : si ceux
qui sont dedans ne re-
quierent de bonne heure
la grace & la misericorde
de sa Majesté.

Pour garder les aduenues plus aduantageuses au secours qui pourroit suruenir aux assiegez de la part de quelques vns de leurs chefs, sa Majesté fait tenir monsieur le Duc d'Angoulesme avec huit cens maistres, & deux mille hommes de pied du costé d'Albigois, pour tenir de ce costé le passage de la riuere du Thar & s'opposer à l'arriuée de monsieur le Duc de Rohan, que l'on tient leuer

quelques troupes au pays de Rouergue , pour le secours & assistance des asiegez de Montauban.

Les ennemis font de tres-grandes & furieuses forties, & tirent sans cesse sur les gens du Roy, & y a eu de tres-fortes & tres-rudes escarmouches faictes entre les nostres & eux.

Monsieur le Duc de Mayenne qui conduit vne partie de l'armée Royale, les a fait beaucoup de fois

rentrer plus viste qu'ils
n'estoient fortis, & à la
derniere sortie qu'ils ont
faict, qui fut le Vendredy
vingtiesme du present
mois se fit vne escarmou-
che si furieuse, qu'il en de-
meura vn bon nombre de
part & d'autre, mais en
fin eux ne pouuant resi-
ster au courage dudit Sei-
gneur Duc, se renferme-
rent en grande diligence,
& quoy qu'ils saluassent
fort dru les nostres avec
leur Canon, cela n'empef-

cha point que mondit
sieur le Duc de Mayenne
ne se logeast sur le bord
du fossé de la ville, & y est
demeuré en despit qu'ils
en ayent eu.

Ceste premiere ardeur
les a tellement effrayez
pour auoir fait vn tel ex-
ploict en moins de rien,
que cela les fait ja appre-
hender quelque mauuais
sucez de leur resistance.

Il n'y a place à deux
lieuës la ronde dudit Mō-
tauban qui puisse donner

ialousie ny soupçon à l'armée Royale, tout est à l'obeyssance du Roy.

Ceux de Tholose sont pleins de grande affectiō & bonne volonté pour le seruice de sa Majesté, prests de l'assister de toutes leurs forces, & croit-on asseurement que par tout le haut & bas Languedoc il n'y a ville ny place forte qui vueille ou puisse resister au Roy, ce que Dieu ne vueille par sa grace.

F I N.